



I. PRINCIPADO DE ASTURIAS

• OTRAS DISPOSICIONES

CONSEYERÍA D'EDUCACIÓN Y CULTURA

RESOLUCIÓN de 12 de xunu del 2017, de la Conseyería d'Educación y Cultura, pola que s'aprueba la convocatoria del "Premiu al Meyor Cantar" en llingua asturiana o en gallego-asturianu.

Examináu l'espedito de referencia resulten estos:

Fechos

Primero.—La difusión, fomentu y normalización social del asturianu y, nel so ámbitu, del gallego-asturianu nes sos diverses manifestaciones, acordies colo dispuesto nel Estatutu d'Autonomía del Principáu d'Asturies y la Llei 1/98, de 23 de marzu, d'Usu y Promoción del Bable/Asturianu, impliquen l'atención a los diversos sectores sociales, culturales y empresariales qu'intervienen nel procesu. Nesti sentíu, l'artículu 13 de la Llei mentada refierse de manera espresa a la protección de la música n'asturianu en cuantes que manifestación cultural y artística, polo que la Conseyería d'Educación y Cultura vien disponiendo una serie d'acciones que contribuyan a la proyección de la cultura musical que s'espresa en llingua asturiana o gallego-asturianu.

Segundo.—Fomentar la creatividá musical ayuda ensin dulda nenguna a desenvolver la bayura cultural de la sociedá. Sábase tamién que la música, que naz de la voluntá de creación y comunicación, supón una dedicación de tiempu y esfuerriu susceptible de reconocese y incentivase polos poderes públicos.

Tercero.—Por eso la Conseyería d'Educación y Cultura considera que procede la convocatoria del "Premiu al Meyor Cantar" na so décima edición, dirixiu a consolidar, arriquecer y prestixar la llingua y la cultura asturiana, na creencia, amás, de qu'actuaciones como esta ayuden de manera eficaz a dinamizar l'actividá cultural de la Comunidá Autónoma, y sobre manera un aspectu tan importante d'ella como ye'l de la creación musical.

Cuarto.—Por Resolución de 27 d'abril del 2016, de la Conseyería d'Educación y Cultura, apruébense les bases reguladores del "Premiu al Meyor Cantar".

Quinto.—Por Resolución de 24 de febreru del 2017, de la Conseyería d'Educación y Cultura (BOPA n.u 52 de 4 de marzu del 2017), apruébase'l Plan Estratéxicu de Subvenciones pal exerciciu 2017, que nel so Anexu I incluye'l "Premiu al Meyor Cantar" en llingua asturiana o en gallego-asturianu.

A estos fechos aplíquense estos

Fundamentos de derechu

Primero.—L'artículu 3 del Decretu 71/92, de 29 d'ochobre, que regula'l Réxime Xeneral de Subvenciones, en rrellación col artículu 38 de la Llei 6/1984, de 5 de xunetu, del Presidente y del Conseyu de Gobiernu del Principáu d'Asturies, l'artículu 5 del Decretu 6/2015, de 28 de xunetu, del Presidente del Principáu, de Reestructuración de les Conseyerías qu'integren l'Alministración de la Comunidá Autónoma, amás del artículu 10 de la Llei 2/1995, de 13 de marzu, sobre Réxime Xurídicu de l'Alministración del Principáu d'Asturies; too ello en cuantes a la determinación de les competencies y facultaes p'adoptar esta resolución.

Segundo.—Ye aplicable lo dispuesto na Llei 38/2003, de 17 de payares, Xeneral de Subvenciones, y el Decretu 71/1992, de 29 d'ochobre, sobre Réxime Xeneral de Concesión de Subvenciones.

Conforme lo espuestu y acordies colo previsto nos artículos 8c) y 41 del Testu refundíu del Réxime Económicu y Presupuestariu, aprobáu pol Decretu Llexislativu del Principáu d'Asturies 2/1998, de 25 de xunetu, pola presente,

RESUELVO

Primero.—Aprobar la convocatoria, en réxime de concurrencia competitiva, del "Premiu al Meyor Cantar" na so décima edición.

Segundo.—Esta convocatoria va rexise poles bases reguladores aprobaes por Resolución de 27 d'abril del 2016 de la Conseyería d'Educación y Cultura.

Tercero.—A esta convocatoria del "Premiu al Meyor Cantar" van poder presentase los músicos, a títulu individual o dientro de grupos, que comercializaren dalguna canción orixinal de cualquier xéneru a lo llargo del añu 2016, quedando escluyes les pieces tradicionales yá existentes, las versiones o adaptaciones d'obres de creación publicaes orixinalmente n'otra llingua, y los cantares que nun s'editaren y grabaren pela primer vez nel periodu referíu.



Cuarto.—Los intérpretes o grupos interesaos han presentar solicitú según modelu normalizáu qu'acompaña a esta convocatoria (Anexu I). Les solicitúes hai que les presentar nel Rexistru Xeneral del Principáu d'Asturies (cai Trece Roses, n.º 2, planta plaza, 33005, Uviéu), o per cualquiera de los medios establecíos n'artículo 38 de la Llei de Réxime Xurídicu de les Alministraciones Públiques y del Procedimientu Alministrativu Común. Si n'usu d'esti derechu la solicitú únviase per corréu, tien que se presentar en sobre abiertu pa que la solicitú se feche y selle por personal de correos.

La presentación de la solicitú de participación supón l'autorización espresa pa que l'órganu instructor recueya de la Hacienda del Principáu d'Asturies, de l'Axencia Estatal de l'Alministración Tributaria y de la Tesorería Xeneral de la Seguridá Social l'estáu de les obligaciones tributaries autonómiques, estatales y frente a la Seguridá Social.

Quinto.—Los interesaos han presentar o mandar hasta'l 30 de xunetu de 2017 esta documentación:

- Solicitú en modelu normalizáu (anexu I).
- Declaraciones responsables (anexu II).
- CD onde se recueya'l cantar escoyíu pol grupu o intérprete pa concurrir al premiu.
- Currículum del solista o grupu, incluyendo llista nominal de componentes y instrumentos que toquen.
- Lletra mecanografiada de la canción escoyida.

Sesto.—N'acabando'l plazu de presentación de solicitúes, estes van valorase por un Xuráu que va presidir quien seya titular de la Dirección Xeneral de Planificación Llingüística y Normalización (o persona en quien delegue). El Xuráu va nomase por resolución del Conseyeru d'Educación y Cultura y va tar formáu por un máximu de nueve y un mínimu de cinco persones relacionaes col ámbitu de la música asturiana.

Séptimo.—La selecció va tener dos fases. La primer fase va consistir nun llabor de preselecció onde los miembros del xuráu van puntuar caún de los concursantes que s'axusten a lo estipulao nes bases; los cantares, nun númberu non inferior a cinco, que llogren la puntuación global más alta van considerase finalistes.

Na segunda fase va escoyese'l ganador/a d'ente la llista de finalistes. Pa eso los finalistes tienen qu'actuar en directu defendiendo'l tema seleccionáu na Gala musical del "Premiu al Meyor Cantar" y, tres de les actuaciones, va facese públicu —nel trescurso d'esa gala— el fallu del xuráu. Nesti sentíu, los finalistes clasificaos pa la segunda fase tienen qu'asumir la obligación d'actuar en directu na gala mentada, que va celebrase a últimos de setiembre del 2017. En casu de que dalgún de los finalistes seleccionaos na primer fase nun puidiere asumir esta obligación, va seleccionase al siguiente de los concursantes por orde de puntuación de mayor a menor, hasta completar el númberu de finalistes.

Octavo.—L'intérprete o grupu ganador va recibir como gallardón una escultura orixinal y esclusiva d'un o una artista asturiana de prestixu reconocíu. Amás, el Gobiernu del Principáu d'Asturies va mirar pola promoción y difusión del cantar nos medios de comunicación y nos eventos entamaos o promovíos pol propiu Gobiernu.

Noveno.—Formulada pol Xuráu la correspondiente propuesta de resolución de concesión del premiu, el Conseyeru d'Educación y Cultura va dictar resolución que va rematar la vía alministrativa.

Décimo.—Ordenar la publicación d'esta resolución en *Boletín Oficial del Principáu d'Asturies*.

Decimoprimeru.—Esti actu pon fin a la vía alministrativa y contra él pue interponese:

- a) Recursu potestativu de reposición ante l'Ilmu. Sr. Conseyeru d'Educación y Cultura. El plazu pa la presentación d'esti recursu va ser d'un mes.
- b) Recursu contencioso-alministrativu ante la Sala de lo Contencioso-Alministrativu del Tribunal Superior de Xusticia del Principáu d'Asturies. El plazu pa la presentación d'esti recursu va ser de dos meses.

Estos dos recursos nun puen simultaniase y el plazu pa la so interposición va cuntase, n'entrambos los dos casos, dende l'otru día de publicase esta resolución en *Boletín Oficial del Principáu d'Asturies* (conforme a lo establecío n'artículo 28 de la Llei del Principáu d'Asturies 2/1995, de 13 de marzu, sobre Réxime Xurídicu de l'Alministración del Principáu d'Asturies; y n'artículo 116 de la Llei 30/92, de 26 de payares, de Réxime Xurídicu de les Alministraciones Públiques y del Procedimientu Alministrativu Común). Too ello ensin perjuiciu de que los interesaos puedan exercitar cualquier otu recursu que-yos pareza oportunu.

Uviéu, a 12 de xunu del 2017.—El Conseyeru d'Educación y Cultura, Genaro Alonso Megido.—Cód. 2017-07288.



"PREMIU AL MEYOR CANTAR" SOLICITÚ (ANEXU I)

Páxina 1 de 2

Espaciu reserváu pa rexistru alministrativu

**GOBIERNU DEL
PRINCIPÁU D'ASTURIAS**

Datos de la persona solicitante

| | | |
|-------------------------|-----------------------|----------------------|
| Intérprete o Grupu | N.I.F./N.I.E. | T.I.E./Certificáu UE |
| <input type="text"/> | <input type="text"/> | <input type="text"/> |
| Persona física * | | |
| Primer apellíu | Segundu apellíu | Nome |
| <input type="text"/> | <input type="text"/> | <input type="text"/> |
| Fax | Teléfonu (fixu/móvil) | Corréu electrónicu |
| <input type="text"/> | <input type="text"/> | <input type="text"/> |

* En casu de tratase d'un grupu, cumplimantar esti apartáu colos datos del representante, sin perjuiciu de que tolos miembros del grupu firmen la solicitú

Representante legal

| | | | |
|----------------------|----------------------|-----------------------|----------------------|
| Primer apellíu | Segundu apellíu | Nome | |
| <input type="text"/> | <input type="text"/> | <input type="text"/> | |
| N.I.F./N.I.E. | T.I.E./Certificáu UE | Teléfonu (fixu/móvil) | Corréu electrónicu |
| <input type="text"/> | <input type="text"/> | <input type="text"/> | <input type="text"/> |

Poder notarial Códigu Seguru de Verificación (CSV). *Cumplimantar en casu de que se disponga d'un poder notarial de representación*

Dirección a efectos de notificación

| | | | | | | |
|----------------------|----------------------|----------------------|----------------------|----------------------|----------------------|----------------------|
| Cal/Plaza | Nu. | Bloque | Esc. | Pisu | Puerta | C.P. |
| <input type="text"/> | <input type="text"/> | <input type="text"/> | <input type="text"/> | <input type="text"/> | <input type="text"/> | <input type="text"/> |
| Localidá | Municipiu | Provincia | | | | |
| <input type="text"/> | <input type="text"/> | <input type="text"/> | | | | |

Los datos aportaos nos apartaos corréu electrónicu y teléfonu van ser utilizaos pa unviar avisos sobre l'estáu de la solicitú, mesmo qu'otres comunicaciones electróniques rellacionaes cola tramitación del procedimientu.

Oxetu de la solicitú

SER ALMITIU/ALMITIDA A LA CONVOCATORIA DEL "PREMIU AL MEYOR CANTAR" COLA SIGUIENTE PIEZA:

| | |
|--|----------------------------|
| Nome de la pieza | |
| <input type="text"/> | |
| Nome del trabayu discográficu nel que s'inclúi | Nome del / de la lletrista |
| <input type="text"/> | <input type="text"/> |

Cola presentación d'esta solicitú y acordies col artículu 28.2 de la Llei 39/2015, de 1 d'ochobre, Procedimientu Alministrativu Común de les Alministraciones Públiques, va conxeturase que la consulta o llogru d'aquella documentación que fuera elaborada por cualesquier Alministración ye autorizada polos interesaos nun siendo que conste nel procedimientu la so oposición espresa o la llei especial aplicable que rica consentimientu espresu. Nesti sentíu, el Principáu d'Asturies va consultar, al traviés de les plataformes d'intermediación de datos o otros sistemes electrónicus habilitaos al efectú, los documentos necesarios pa la resolución del procedimientu al que se refer el presente formulariu y que se citen de sigüo:

- Al Ministeriu competente en materia de Interior, la consulta de los datos d'identidá (DNI/NIE/TIE/Certificáu Comunitariu-UE).
- Al Ministeriu competente en materia de Notaríes, la consulta de Copia Simple de Poderes Notariales, en casu de representación por poder notarial.
- A l'Axencia Estatal de l'Alministración Tributaria, la consulta de tar al corriente nel cumplimientu de les obligaciones tributaries estatales.
- Al Ente Públicu de Servicios Tributarios del Principáu d'Asturies, la consulta de tar al corriente nel cumplimientu de les obligaciones tributaries cola Hacienda del Principáu d'Asturies.
- A la Tesorería Xeneral de la Seguridá Social, la consulta de tar al corriente nel cumplimientu de les obligaciones frente a la Seguridá Social.

Puede exercer el so derechu d'oposición al traviés de la sede electrónica del Principáu d'Asturies aportando a www.asturias.es/oposicionconsulta y siguiendo les instrucciones marcaes na ficha del procedimientu. De toles maneres, si exerce'l derechu d'oposición, tendrá d'apurir tolos datos y documentos ríquios nel procedimientu.

Sigue na páxina siguiente.

Pa llograr **más información** d'esti serviciu puede llamar al teléfonu d'atención ciudadana **012** o **985 279 100**, si la llamada se realiza dende fuera del Principáu d'Asturies, o bien allegarse a www.asturias.es. Tamién puede unviar el formulariu de solicitú al traviés de la sede electrónica del Principáu d'Asturies <http://sede.asturias.es> o al traviés del Rexistru Electrónicu de l'Alministración Xeneral del Estáu <https://rec.redsara.es/registro/action/llabre/acceso.do>



00201153681

"PREMIU AL MEYOR CANTAR" SOLICITÚ (ANEXU I)

Páxina 2 de 2

Espaciu reserváu pa rexistru alministrativu

GOBIERNU DEL
PRINCIPÁU D'ASTURIAS

Documentación que se tien d'aportar

- > Solicitú en modelu normalizáu.
- > Declaraciones responsables.
- > CD nel que se recueya la canción escoyida pol grupu o intérprete pa concurrir al premiu.
- > Currículum del solista o grupu, incluyendo rrellación nominal de componentes ya instrumentos que toquen.
- > Lletra de la canción escoyida, debidamente mecanografiada.

En a de de

Firma,

ÓRGANU AL QUE SE DIRIXE:

CÓDIGU D'
IDENTIFICACIÓN (DIR):

En cumplimientu de lo dispuestu na Llei Orgánica 15/1999, de 13 d'avientu, de Protección de Datos de Calter Personal (LOPD), l'Alministración del Principáu d'Asturies infórmatu/la que los datos personales percanciaos al traviés del presente formulariu, mesmu que los xeneraos nel momentu de la rrellación alministrativa, van ser incorporaos a un ficheru de la so titularidá denomináu PROCEDIMIENTOS ALMINISTRATIVOS, que tien la finalidá de la xestión de procedimientos alministrativos ente l'alministración del Principáu d'Asturies: procedimientos alministrativos, procedimientos sancionadores, procedimientos de responsabilidad patrimonial, subvenciones, autorizaciones, beques, rexistros, actividaes clasificaes, uniones, ello ye que xuntes arbitrales, etc. y al ficheru denomináu TERCEROS que la so finalidá ye la xestión de datos personales de toles persones que caltengan o caltuvieren contactu cola Alministración pública del Principáu d'Asturies pa garantizar la so fiabilidad.

Amás, los sos datos van poder ser comunicaos a la hacienda pública y alministración tributaria, otros órganos de l'alministración del estáu, otros órganos de la comunidá autónoma, otros órganos de l'alministración local, fuerces y cuerpos de seguridá, organismos de la seguridá social, tribunales de cuentas, institutu nacional d'estadística, órganos xudiciales y interesaos lexítimos. Si ente la información qu'usté facilita figuren datos de terceros, usté asume'l compromisu d'informalos de los estremos señalaos nel párrafu anterior.

Usté puede exercitar los derechos d'accesu, rectificación, cancelación y oposición unviando per corréu o presentando presencialmente el correspondiente formulariu a la Oficina d'Atención Ciudadana (SAC) nel Edificiu de Servicios Múltiples C/ Trece Roses, 2, 33005 - Uviéu (Asturies) o a los distintos rexistros de les Alministraciones Públiques. Tamién pueden exercitase estos derechos de forma electrónica al traviés del mesmu formulariu y que ta disponible na siguiente direcció <https://sede.asturias.es>

Pa llograr **más información** d'esti serviciu puede llamar al teléfonu d'atención ciudadana **012 o 985 279 100**, si la llamada se realiza dende fuera del Principáu d'Asturies, o bien allegarse a www.asturias.es. Tamién puede unviar el formulariu de solicitú al traviés de la sede electrónica del Principáu d'Asturies <https://sede.asturias.es> o al traviés del Rexistru Electrónicu de l'Alministración Xeneral del Estáu <https://rec.redsara.es/registro/action/llibre/accesu.do>

201153681 - ANEXU II

PREMIU AL MEYOR CANTAR



ANEXU II - DECLARACIÓN RESPONSABLE (*)

| | | |
|----------------------|----------------------|----------------------|
| Primer apellíu | Segundu apellíu | Nome |
| <input type="text"/> | <input type="text"/> | <input type="text"/> |
| NIF/NIE | TIE/Certificáu UE | |
| <input type="text"/> | <input type="text"/> | |

A EFECTOS DE LA SO PARTICIPACIÓN NEL "PREMIU AL MEYOR CANTAR", DECLARA:

- > Que son ciertos y completos tolos datos d'esta solicitú, mesmo que tola documentación que presenta (la falsedá nun documentu públicu ye un delitu, d'alcuerdu col artículu 392 del Códigu Penal).
- > Que se compromete a cumplir les condiciones que s'especificquen na normativa aplicable.
- > Que nun ta incursu/a nes prohibiciones pa llograr la condición de beneficiariu señalaes nos apartaos 2 y 3 del artículu 13 de la Llei 38/2003, de 17 de payares, Xeneral de Subvenciones.
- > Que xustificó en tiempu y forma les subvenciones concedíes n'años anteriores pola Consejería d'Educación y Cultura.
- > Que cumplió les obligaciones derivaes d'ayudes y subvenciones concedíes anteriormente por cualquiera de los órganos de l'Alministración del Principáu d'Asturies.
- > Que nun incumple lo previsto de manera espresa na convocatoria no que fai a compatibilidad d'esti premiu con otre ayudes.

(*) Nel casu de grupos, esta declaración responsable ha presentala caún de los miembros del grupu.

En/Nº a de del

Firma,

Fmo.: